

SEME-ALABEN DEITUREN ORDENA ERABAKITZEKO AHALMENA IZANGO DUTE GURASOEK LEGEA ONARTZEN DENETIK

Haurrei amaren abizena ipintzeko aukera ematen duen legea hitzartu dute Madrilen

■ Gurasoak abizenen ordenan bat etortzen ez badira, aurreneko deitura aitarena izango dute seme-alabek

■ Seme edo alaba zaharrenari ematen zaion abizena hartuko dute derrigor ondorengo guztiek

■ Kongresuko osoko bilkurak eta Senatuak onartu behar dute lege proposamena, baina talde nagusien onespena du dagoeneko

Erredakzioa / Donostia

SEME-ALABEN abizenen ordena erabakitzeke ahalmena izango dute gurasoek, Madrilgo Kongresuko talde parlamentarioek atzo hitzartu zuten. Bi gurasoak ados jartzea aski izango da haurrari lehenengo abizena amarena jartzeko, baina gurasoak bat etortzen ez badira, aitaren deitura hartuko du haurrak. Seme edo alaba zaharrenaren deitura-ordena bera izango dute bikotearen ume guztiek.

Gaiari buruzko lau proposamen desberdin egin zituzten Iniciativa per Catalunya (IC), IU, PSOE eta PP alderdiek, baina lege proposamen bateratuan ados jarri ziren atzo, Barne eta Justizia batzordean egindako bileran. Kongresuko osoko bilkurak onartu behar du orain, Senatuak berretsi gero eta Aldizkari Ofizialean argitaratzen denetik hiru hilabetera jarriko da indarrean. Justizia Ministerioak Erregistro Zibileko arauak presta ditzan ipini da hiru hilabeteotako epea. Margarita Uriak EAJko parlamentarioaren arabera, «datozen udal hauteskundetarako edo, txarrean, udarako» buletinean izango da lege berria.

Adostasunik ezean, aitarena aurrena

Gurasoak ados jarri ezean aitaren abizenari lehentasuna emateko proposamenak eztabaida piztu zuen, ICK eta IUK kasu horietan epaitegiak erabakitzea proposatu baitzuten. PSOE jakitorrizko proposamenean ere aukera horren alde egin zuen, baina atzo atzera egin zuen, eta desadostasunean aitaren abizena aurrenekoa izatea onetsi zuen.

Margarita Uria parlamentarioak ere, EAJren izenean, aukera hori onetsi zuen: «Eremu pribatuari dagokion gai batean estatua sartzea litzateke», adierazi zion



EDURNE KOCH

Gaur egun gutxiak lortu dute haurrari amaren abizena ipintzea. Salbuespen horietakoak dira irudiko ama-semeak.

Iparraldean, aitaren abizena

■ Gaur egun, Hego nahiz Ipar Euskal Herrian, ama ezkongabe batek bere deitura eman diezaioke haurrari, baina horrek esan nahi du aita ezezaguna dela, edo aitak ez duela aitatasuna aitortzen. Gainerakoan, ez

Espainiako ez Frantziako legediak ez die gurasoei deituren ordena erabakitzeke ahalmenik ematen. Espainiako legediak, dena den, zirrikitu batzuk baditu amaren deitura aurrena ipini ahal izateko. Ipar Euskal Herrian

deitura bakarra erabiltzen da eta berau aitarena izan ohi da. Seme-alabek ez ezik, gainera, emazteak ere senarraren abizena hartzen du sarri, Frantziako usadioari jarraiki, legeak horretara behartzen ez badu ere.

Deitura konposatuaren aukera ere bada Ipar Euskal Herrian: aitaren abizena eta amarena marratxo elkarturik, abizen konposatua har dezake haurrak. Konposatuetan ere, aitarena aurrena beti.

Izena edo abizena euskaratzeko prozedura erraztu egingo dute

Erredakzioa / Donostia

IZENA edo abizena euskarazko, katalanezko edo galegozko grafiara aldatzeko prozedura erraztu egin da eta erabat doan izango da, abizenen ordena arautuko duen lege proposamen berak jasotzen duenez.

Abizenen grafia aldatzeko, eskaera ofizial bat eta zenbait agiri —jaiotze agiria, Euskaltzaindiaren agiri ofizial bat euskarazko grafiaren zuzentasuna ziurtatuz eta hiruzpalau agiri, eskatzaileak grafia hori erabiltzen duela erakusteko— aurkeztu behar dira Erregistro Zibilean, eta handik Madrilera bidaltzen da eskaera.

EAJko Margarita Uriak dioenez, prozedura hau askoz sinpleagoa izango da lege berria indarrean jartzen denez geroztik: «Orain arte oztopo lasterketa bat izan da. Orain, ez da espediente administratiborik beharko. Erregistro zibileko leihatilan eskaera egitea aski izango da, eta erabat doan izango da».

EGUNKARIARI. «Alabari zer izen ipini ados jarri ez eta epaitegiak erabakitzea bezala litzateke».

Seme-alabek, adinez nagusi egiten direnean, deituren ordena aldatzeko aukera dute gaur egun ere, eta berdina izango da lege berriarekin ere.

Seme-alabak adin txikiak badira, gurasoek hauen abizenen ordena aldatu ahal izango dute, baina seme-alaben iritzia kontuan hartu beharko da, hauek iritzia emateko gaitasuna badute.